



წელიწადი მისაგე

წელიწადი მისაგე

სამეურნეო უზრუნველყოფის

გოდსაქალი



თებერვალი 19.

№ 4.

შინაარსი:

ე. იოსელიანი	ბატონ-უმობის გაუქმება რუსეთში და ჩვენში	3
ვ. რცხილაძე	19 თებერვალი 1861 წ.	5
ვ. რცხილაძე	ორგანიზმთა სამეურნეო განვითარება	7
ა. მაჩაბელი	ჭარხალი რეგულაციის საკვების მცენარე საქონლისა და ღრუბისათვის	11
ს. კახელიძე	იაფი სესხის საჭიროება სოფლად	13
განცხადება		16



სამეურნეო ჟურნალი მოსავალი

(იბეჭდება ორ კვირაში ერთხელ)

წასულ წელს ჟურნალში დაიბეჭდა წერილები შემდეგი პირებისა:—ასოშვილი ვ. ანაზღეული, ახალაია ი., ბერეკაშვილი კ., გულბათიშვილი ვ., გვარამაძე კ., გორთამაშვილი ვ., ვილიაშვილი ზ., ვაჭრიშვილი ვ., თაქთაქიშვილი გ., თოიძე გ., იოსელიანი ე., კახელიძე ს., კარბელაშვილი ელ., კარაღელი ვ., მანაბელი ა., მდივანი დ., მჭედლიშვილი ვ., ნახუცრიშვილი გ. ონიკოვი კ., როლოვი ა., რცხილაძე ვ., რცხილაძე ს.გ. ვ., რცხილაძე ს.გ. გ., ფურცელაძე ი., ფალავანიშვილი დ., ქუთათელაძე ი., ქათამაძე ვ., ქარცივაძე მ., ყიფიანი პ., ჩივაძე გ., ცხადაძე გ., ჯუნდაძე ს., შავლიყვი პ., ჯანაშვილი მ., ჯიქია ლ., კახელი შვევენსე, სემიონოვი ექიმი. რედაქცია მოელის თანამშრომლობას სხვებიდანაც.

თანამშრომელთა საქუროდგომად.

ჟურნალის შემოსავლიდან გაისტუმრება ხარჯი სტამბისა და კანცელარიისა, დანარჩენი (თუ რამე დარჩა) წლის დამლევს დაურიგდებათ თანამშრომლებს პროპორციულად მათი ნაშრომისა.

დასაბეჭდად მიღებული წერილები შეიძლება რედაქციამ შეასწოროს და შეამოკლოს. წერილები და კორესპონდენციები, რომელნიც არ დაიბეჭდებიან, არც შეინახებიან დასაბრუნებლად.

რედაქცია მზათ არის აღმოუჩინოს „მოსავლის“ მკითხველებს ყოველ გვარი შუამავლობა სამეურნეო იარაღებისა და მაშინების და აგრედვე ყველა სამეურნეო ნაწარმოების შექმნა-გასაღებაში.

განცხადებები დაიბეჭდება მხოლოდ უკანასკნელ გვერდზე. ჩვეულებრივი სტრიქონი (გზნური ან აკადემიური ასოთი) განცხადებისა ღირს **ორი შაური**.

წლიური აბონემენტებისათვის განცხადების ფასი რედაქციასთან **შეთანხმებით**.


განცხადების ფასი წინდაწინვე უნდა იყოს წარმოდგენილი.

თუ შეძლება ექნება რედაქციას, ჟურნალის ხელისმომწერლებს წლის დამლევს **გაუგზავნის უფასოდ დამატება-ბროშურას** მეურნეობის რომელიმე დარგის შესახებ.

ჟურნალი წელიწადში ღირს 3 მანეთი.

რედაქციის ადრესი: Тифлисъ, Барятинская, 5. «МОСАВАЛИ».

რედაქტორ-გამომცემელი **მ. ი. რცხილაძე**





ბატონ-ყმობის გაუქმება რუსეთში და ჩვენში

დღეს, 19 თებერვალს, ორმოცდაათი წელიწადი შესრულდა რაც ბატონყმობა იყო გაუქმებული რუსეთში. ყველა ერებისათვის მთელ რუსეთის იმპერიაში 19 თებერვალი 1861 წლისა დაუვიწყარი უნდა იყოს.

მთელი მეცხრამეტე საუკუნის ისტორია რომ გადაათვალიეროთ, ვერ პოვებთ ვერც ერთ დღეს, რომ ხალხისათვის ამ დიდებული დღის მნიშვნელობა ჰქონდეს. ამ დღიდან იწყობა რუსეთისთვის ახალი საისტორიო ხანა. ეს დღე სვეტია მაჩვენებელი იმისი, რომ არავის არ ძალუძს აღმოფხვნას ცხოვრებაში სიმართლე და კაცთმოყვარეობა. ახალი თაობა თავის დღეში ვერ წარმოიდგენს იმ სიმძიმეს, რომელიც ჰქონდა 19 თებერვალს გაუქმებულ ბატონყმობის უღელს.

ახალ თაობას არ სმენია ოცი მილიონი ხალხის ჭირი და ვაება განუწყვეტელი მთელ საუკუნოებში. ვერც ერთი დაუძინებელი მტერი ვერ დააბეჩავებდა ერს ისე, როგორაც ბეჩავდებოდა იგი ყოველ დღე ბატონის ყველა გვარ შევიწროებისაგან. ადამიანი მსგავსი სულითა და ავებულობით მაცხოვრისა ბატონ-ყმობამ უსულო საგნად აქცია და დაუსაკუთრა ბატონს, რომელიც უწამლავდა ადამიანსა და საზოგადოებას ფსიხიკას და უძლურად ყოფდა მის სულის შემოქმედებას. ჯერ კიდევ მრავალი წელიწადი გაივლის ვინემ დამახინჯებული ბატონ-ყმობისაგან ფსიხიკა მოიკრეფს ძალას და განთავისუფლდება ძველი ცხოვრების


დაღეკილი ნაშთისაგან. 19 თებერვალს პირველად გაისმა ხმა, რომ თავისუფალი გლეხი და მისი მეურნეობა არის დასაწყისი უჯრედი საზოგადოებისა და სახელმწიფოს ორგანიზმოსი. შრომა შეიქმნა ამ დღიდან ერთადერთი სახსარი ხალხის სიმდიდრისა. 19 თებერვალს აღმართული სვეტი მაჩვენებელი იყო მომავალი ახალი ცხოვრებისა, მაგრამ ბნელმა ძალებმა მალე იჩინეს თავი, განთავისუფლების უმაღვე შეებნენ რათა მოეღოთ ბოლო ამ თავისუფლებისათვის და აკი შეიძღეს კიდევაც — ჩაავდეს გლეხი სასოწარკვეთილებაში.

ასეთია, ამბობენ, კვალი ცხოვრებისა, ასე მიმდინარეობს კაცობრიობის ისტორია, ამ გზით ეძლევა თურმე საძირკველი ერის ყოველ კარგ მომავალს. რაც ხვალ უნდა იყოს გაუქმებული, დღეს იმის სხვერპლად ხდებიან საუკეთესო შვილნი ერისა. თვით ქრისტემ თავის ჯვარცმით უჩვენა ქვეყანას გზა სიმართლისა, კაცთმოყვარეობისა და ბედნიერებისა.

დღესაც, რომ გაიხსენებ რამდენი გლეხის ძვლებზეა ამართული იგი სვეტი ყმათა განთავისუფლებისა ბატონისაგან, ძარღვები გეშლება ადამიანს, რაღაც კანკალი აგიტანს ხოლმე.

II

საქართველომაც გამოიარა ბატონყმობის ხანა. სამი წლის შემდეგ, 13 ოქტომბერს 1864 წ. საქართველოშიაც მოეხსნა ადამიანს მონობის უღელი.



ყველგან საცა კი მოიკიდა ფეხი ბატონ-ყმობამ ერთდაიგივე ხასიათი ჰქონდა მას და ერთსა და იგივე შედეგს იწვევდა ერის ცხოვრებაში. ყველგან ყმა უსულს საგნოდ იყო გადაქცეული რომლის ბედი და უბედობა ბატონზე იყო დამოკიდებული. ყველგან ბატონ-ყმობა რყვნიდა ორთავეს—ბატონსაცა და ყმასაც. ადამიანობა და სიმართლე მოკლული იყო ხალხში, ყველგან სუფევდა თვითნებობა და ძალმოპყრობა.

„მოვხუცდი, მკლავში ძალამ მიმტყუნა, მუხლი აღარ მომდევს, ოჯახი მიფუჭდება, მომღელი არა მყავს მიბოძეთ შვილი თქვენ სადღეგრძელოთ, თქვენც გემსახურებათ ბატონო, ოჯახსაც მოუვლის, მე აღარ ვარგვიარ, რაღა სამსახური შემიძლიან მოხუცებულს.

— რას ყბედობ, გამოყრუებულო, ბიჭი მე მინდა“. მოხუცი მამა ერთად ერთ თავის შვილს სთხოვს ბატონს, დაუბრუნოს მისივე სამსახურისათვის და ოჯახის დასაცველად და პასუხად ასეთი თხოვნისა ბატონი აწყვბლინებს მოხუცს. შემდეგ? ოჯახი ფუჭდება უკაცობით, ბატონს გულს უბობს მოხუცის შვილი და გავარდება და დადის ტყე-ტყე ნადირივით. აი ნაყოფი ბატონ-ყმობისა. ქართველი ყმა ყველასა სთმობდა ბატონისათვის, მზათ იყო ყოველი თავის საბადებელი ენაცვალეზინა მისთვის, მხოლოდ ის ვერ ურიგდებოდა ერთს. ეს იყო ოჯახის ნამუხის ახდა, რომელმაც არა ერთი და ორი ბატონი იმსხვერპლა. ბატონ-ყმობა შავი ღრუბელივით ჰქონდა გადაფარებული საქართველოს. აგერ თითქმის ნახევარი საუკუნე გავიდა დღეს იმის გაუქმების შემდეგ, მაგრამ ჯერ კიდევ მძიმე ტვირ-

თად აწევს ქართველ ერს ბატონ-ყმობის გაუქმებას ორი მიზანი აადვენეს თან: ამ გაუქმებას უნდა მიენიჭებინა ყმისთვის შეუღახავი პიროვნება და უზრუნველ ეყო იგი იმ მიწა-წყლით, საცა მისი ძვალი და ხორცი დნებოდა მუშაობით. სათავეში ბატონ-ყმობის გაუქმებას ედგნენ განსვენებული ბარონ ნიკოლაი, თავ. გრ. ორბელიანი, თავ. მუხრანბატონი შვილები ივ. და გიორ., ვიტტე (მამა გრაფისა), დ. ი. ყიფიანი, თავ. მხ. თუმანიშვილი და სხვ. ფარგალი განთავისუფლებისა, რასაკვირველია, რუსეთში მიღებულ ზომასზე ფართო ვერ იქნებოდა. გან. კომიტეტმა, შემდგარმა ზემოდ ჩამოთვლილი პირებისაგან, რომელსაც მინდობილი ჰქონდა შეემუშავებინა წესდება ყმობიდან გამოსული გლეხებისათვის, სანამ წესდების შედგენას შეუდგებოდა, მოლაპარაკება გამართა: მისცენ მიწა-წყალი განთავისუფლებულ გლეხებს თუ უმიწა-წყლოდ განთავისუფლონ. კომიტეტი მომხრე გახდა გლეხის უმიწოდ განთავისუფლებისა. ვერ წარმოედგინა მას, რომ ქართველი გლეხი უმიწა-წყლოდ ყმაზე საცოდავი ტანჯული შეიქნებოდა. პატარა ახალგაზრობის წრე, რომელსაც თავში ილია ქავჭავაძე ედგა, წინააღმდეგი იყო გლეხის უმიწოდ გამოსვლისა ბატონისაგან, მაგრამ კომიტეტზე არავითარი გავლენა არა ჰქონდა მას. სამუხაროდ მაშინ არც პრესა არსებობდა ჩვენში, რომ რომელიმე მიმართულებისთვის მხარი მიეცა და ეშველა კითხვის გამორკვევაში. რადგანაც მართებლობამ არ შეიწყნარა უმიწოდ განთავისუფლება გლეხისა, კომიტეტმაც მალე მიანება თავი ამ აზრსა და შეუდგა წესდების შე-



მუშავებას, რომლის ქვა-კუთხედი ამრიგად მიწით განთავისუფლება გახდა. 1864 წ. 13 ოკტ. უმაღლესად იყო დამტკიცებული „სჯულდებანი გლეხთათვის გამოსულთა ყმობის დამოკიდებულობისაგან“. როგორი გულის ფანტკალით იყო მიღებული მანიფესტი განთავისუფლებისა ამას ის, ვისაც თავის თვალთ არ უნახავს, ვერც წარმოიდგენს.

განთავისუფლების მანიფესტიდან მხოლოდ ერთად ერთი სიტყვა ჩაეჭრა გულს. ეს სიტყვა იყო „განთავისუფლება ბატონისაგან, გაუქმება ბატონყმობისა“. არავინ ყურადღებას არ აქცევდა, რა ეკონომიური მდგომარეობა უნდა მოყოლოდა ბატონ-ყმობის ესეთ გაუქმებას. ახლად მინიჭებული თავისუფლებით სტკბებოდა გლეხი და შეხაროდა თვის ბედს. არცერთგან რუსეთის იმპერიაში გლეხების განთავისუფლებას არ ჩაუვლია ისე მშვიდობიანად, როგორათაც საქართველოში, თუმცა ტფილისშიაც ცოტათი შიშობდნენ.

გაიარა ბედნიერმა დღეებმა, იწყობდა ცხოვრებამ თავისი ჩვეულებრივი კვა-

ლით მიმდინარეობა და მალე ცხადად გამოჩნდა, რა უფიცი სულით იყვნენ აკვლანჯულნი ბატონი და ყმა. სოფლისა და მეურნეობის უფიცობა ცხადად ემჩნეოდა განთავისუფლების კანონს, რომელიც ბოლო მოუდებელ სადავო და საჭირბოროტო გარემოებაში აყენებდა ვალდებულს გლეხს. რეფორმა თითქო გვერდს უვლიდა ყველა იმას, რისთვისაც იგი იყო მოხდენილი. მოლოდინი რომ გლეხი სახელმწიფოს ძღვევამოსილობის ბურჯად გარდაიქცეოდა ფუქი აღმოჩნდა; რეფორმამ გლეხს ვერ მიანიჭა ის, რასაც ჰპირდებოდა. დაკანონებული წეს-წყობილება დროებით ვალდებული გლეხისათვის აგერ ორმოცდა რვა წელიწადია მოქმედობს და იქამდინ მიიყვანა გლეხიც და ბატონიც, რომ არ იციან რა წამალი დასდონ თავიანთ გარემოებას. იმედია, რომ ახლო მომავალში ამ დროებით ვალდებულობას ბოლო მოეღება და გლეხს სხვებთან ერთად თანასწორი უფლება მიენიჭება თავის მიწა-წყლის მართვა-გამგეობისა.

ე. იოსელიანი

19 თებერვალი 1861 წ.


„ვერ დაიპირავს სიკვდილსა გზა ვიწრო, ვერცა კლდოვანი...“
შ. რუსთაველი.

დიდი კატამოყვარეობის საქმე გაკეთდა რუსეთში მეცხრამეტე საუკუნის მეორე ნახევარში. ეს საქმე გლეხების განთავისუფლება იყო ბატონყმობისაგან. თარიღი ამ განთავისუფლებას 19 თებერვალი 1861 წლისა უზის. ამ დღიდან შრება ცრემლი რამდენიმე მილიონი ადამიანის თვალზე,

იღვიძებს გულში იმედი უკეთესი მომავლისადმი. რუსეთს ეძღვევა კულტურულ სახელმწიფოთა გუნდში თანასწორი ადგილი.

როგორც ყოველი სხვა დიდი საქმე არ ხდება ერთბაშად ისე გლეხების არც დაყმევება, არც მათი ყმობიდან განთავისუფლება არ მომხდარა უეცრად, მოულოდნელად.

უთანასწორობა, ერთიერთმანეთის დაჩაგვრა როგორც სხვაგან ისე რუ-





სეთის ხალხთა შორის ღრმა წარსული-
დან იწყობა.

სოფელს აიღებ თუ ქალაქს ადგი-
ლობრივი მკვიდრნი მუდამ იმ ცდაში
არიან, რომ მოსული ელემენტებით
ისარგებლონ, მეტს გამოარჩინენ ვიდრე
მისცემენ, მოსულები კიდევ ადგილობ-
რივ მკვიდრზე გამარჯვებას ცდილობ-
ბენ. მოსული ელემენტების ეგრედ-
წოდებული **სმერდების** დაყმევება, მა-
თი სიღარიბისა გამო მეთექვსმეტე სა-
უკუნეშივე ხდება რუსეთში.

„ბატონ-ყმობის შენობა მეთექვსმე-
ტე საუკუნეშივე იყო აგებული“, — ამ-
ბობს მ. ლიუბავსკი, — „მეჩვიდმეტე და
მეთვრამეტე საუკუნეებს ამ შენობის
მხოლოდ დამთავრება, ზოგიერთ წვრილ-
მანი ნაწილების გამო შენება-გამოყვა-
ნა-ლა რჩებოდათო“.

ასევე შეიძლება ითქვას ბატონ-ყმო-
ბის გაუქმებაზედაც. მონობის უარყო-
ფა როგორადაც შედეგი კულტურული
განვითარებისა, ვითა ნაყოფი კულტუ-
რის ხისა მეთვრამეტე საუკუნის მეო-
რე ნახევრიდანვე ისახება, იზრდება,
იწვევა და 1861 წლისათვის დამწიფე-
ბული კაცთმოყვარე ხელით ეძლევა
ხალხს მისდა საკეთილდღეოდ.

რა ნაირი სიტბო-სინათლე გულკე-
თილობისა და გონება-მახვილობისა
დასტრიალებდა ამ ნაყოფს გასაზრდე-
ლად და დასამწიფებლად, ან როგორი
ქარიშხალი ჰქროლავდა მას ზოგჯერ
გასანადგურებლად, — ამას ის წარმოი-
დგენს თვალნათლივ, ვინც იმ ღროის
მწერლობას გადაიკითხავს.

სუძარკოვი, მაგალითად (1783 წ.)
საზღვარგარეთის და რუსეთის წეს-წყო-
ბილებას აღარებს და ამბობს:

„იქ გლეხ-კაცობას ტყავს აწავინ აძრახს,
სოფლებს ქადაღღში აწავინ აკებს
ხალხით არ ვაჭრახს“.

იმავე წლიდან ფონვიზინის „წელი-
როსლში“ ვკითხულობთ ერემეევანას
სიტყვებს, რომელიც ამბობს „წელი-
წადში ხუთი მანეთი ჯამაგირი მაქვს
და ყოველ დღე ხუთ-ხუთი სილაო“. პროსტოკოვა ეხვეწება თავის ძმას
ასწავლოს გლეხებისაგან ხარჯის მოკრე-
ფა და შესჩივის: „რა უბედურებაა!
მას აქეთ, რაც ერთხელ გამოვართვით
გლეხებს რაც რამებადათ, იმაზე მეტი
შემდეგ სხვა ველარა წავგირთმევი-
რაო“.

ხოლო სტაროდუში დასძენს: „მო-
ნობით ჩაგვრა მზგავსისა შენისა უკა-
ნონო არის“.

ექვსი წლის შემდეგ ამისა (1789)
ა. ნ. რადიშჩევი სწერდა ყმების შესა-
ხებ: „იგინი ჰგვანან ადამიანს მხოლოდ
გარეგნობით... ტვირთითა მიძიმეთი
დაოჩნებულან, მოკლებულ არიან ყო-
ველ სიკეთეს, უწილობელნი კაცთა
მემკვიდრეობისა, დამონავებულან, გა-
ნადგურებულან, გამხდარან საზიზღარ-
ნი. შიშ ქვეშ აკეთებენ სხვისთვის სა-
სურველს, თავიანთთვის კი მინიჭებუ-
ლი აქეთ მცირედი რამ, აქეთ მხოლოდ
უფლება გაიზარდნენ და შემდეგ დაი-
ხოცნენ“.

ამით არ კმაყოფილდება რადიშჩევი
და სწერს: „განა ვისზედ უფრო უბრა-
ნია მამული თუ არ მის გამკეთებელ-
ზე? ჩვენ კი დახედეთ რამდენად ვართ
დაშორებულნი პირველში მიღებულ
საზოგადო წესს მიწის მფლობელობის
შესახებ, რომ დღეს ის, ვისაც სხვაზედ
მეტი უფლება აქვს, არამც თუ ჩამო-
შორებულთა ამ უფლებას, არამედ თა-
ვისი ოფლით მოყვანილს სხვის მამულ-
ზედ საკვებავ საზრდოს შესცქერის



შორიდან, როგორადაც სხვისა საუფ-
ლოს“.

ასე გვიხატავს რადიშივეი სხვის მა-
მულის გამკეთებლის გულაყრილობას:
„განთავისუფლებულ ქვეყანაში, სადაც
მეძროხე წინად გულგრილად უვლიდა
ბატონის ძროხას, ეხლა თავდადებით
იცავს მას გარეული ნადირისაგან. რო-
ცა გუთანი ხნავდა ბატონის მიწას,
მიწა სულ მცირედ მოსავალს აძლევდა
„მონებს“, ეხლა კი საკუთარი მამული
თავისუფალი პატრონისა მის გულის-
ძგერით გამთბარი მოსავალს ერთი-
ორად იძლევს. განუსაზღვრელად ბედ-
ნიერია აგრედვე გლეხი კაცის ცხოვ-
რება თავის მეუღლესთან, რომელსაც
თავის ამორჩევეთა და სურვილით ირ-
თავს და არა ახვევენ თავზე ძალად
უდანაშაულო მსხვერპლთა გასამრავ-
ლებლად“.

რადიშივეი და გრესლენი თხოუ-
ლობდნენ გლეხის მამულით განთავის-
უფლებას, რომ მიწა, რაც ეჭირა გლეხს
უფასოდ რგებოდა.

რასაკვირველია, იყვნენ რადიშივეის
აზრის წინააღმდეგნიც. სხვანაირი ქა-
რიც ჰბერავდა კულტურის ხის ნაყოფს
და აგვიანებდა—აძნელებდა მის მომ-
წიფებას.

პოლენი, მაგალითად, ამტკიცებდა,
რომ ბატონს უნდა ჩამოეჭრას ზოგი-
ერთი უფლებები თავის ყმებზე, ხოლო
ბატონ-ყმობა კი უნდა დარჩესო.

ვ. ნ. ტატიშივეი, რომელიც გარ-
დაიცვალა 1750 წელს, სწერდა: „თა-
ვისუფალი გლეხი რუსეთში შესაძლო

იყო მეთექვსმეტე საუკუნეში; ჩვენ
დროში კი ბატონ-ყმობის მოსაზრებ-
ა უმეტესად უნდა აღიარდეს, რადგან
„ხოლოპთა“ თავისუფლება არ შეეგუე-
ბა აწინდელ მონარქიულ ფორმას მარ-
თველობისას და დამკვიდრებულ ჩვე-
ულებად ქცეული გლეხთა მონობის
უარყოფა საშიშარია“.

1770—71 წ.წ. კლინგშტენი სწერ-
და: „თავისუფლება და საკუთარი მა-
მული, ყოველ ექვს გარეშეა, შრომის
წამაქმნებელ გარემოებათ უნდა იყოს
მიჩნეული. ხოლო როცა ამავე დროს
გალატაკებულ ჩუხონელებსა და უკრა-
ინელებს ვუყურებთ თუმცა იგინი თა-
ვისუფალნი არიან, უნდა გამოტეხით
ვსთქვათ, რომ თავისუფლება ისეთი
ხალხისათვის, რომელიც მით წესიერად
ვერ ისარგებლებს, უფრო ხშირად სა-
ზარალოა, ვინემ სასარგებლო და ამას-
თანავე მარტო ერთი ლიტონი თავის-
უფლება ვერ მოსპობს სიზარმაცეს და
აქედან წარმომდგარ სიღარიბეს“.

როგორც ზემოდ მოყვანილიდან
სჩანს, მკითხველო, დიდი „დავა-დავა“
ყოფილა გლეხების ყმობიდან განთა-
ვისუფლების შესახებ ჯერ ისევ ასი
წლის წინად ვიდრე ეს განთავისუფ-
ლება მოხდებოდა. რაც უფრო ახლოვ-
დებოდა დრო იმდენი ბრძოლაც მედ-
გარი იყო და როცა გადაიარა ქვეა-ქუ-
ხილმა განთავისუფლების მშემაც აღ-
მოაშუქა და თავისი სითბო-სიტკბოე-
ბა მოჰფინა ქვეყანას 1861 წელს 19
თებერვალს.

ვ. რცხილაძე

ორგანიზმთა სემეფოს განვითარება

წინად ყოფილი მცენარეებისა და
ცხოველების აწ აღმოჩენილი ნაშთე-

ბის შესწავლით მეცნიერებამ ის უტყუ-
არი დასკვნა გამოიყვანა, რომ სხვადა-



სხვა გეოლოგიურ ხანაში სხვადასხვა მცენარეებსა და ცხოველებს უცხოვრობდა უწინ. ამიტომ მცენარეთა და ცხოველებთა წარსულის გამოკვლევა ორს შემდეგს კითხვაზედ უნდა იძლეოდეს პასუხს:

1) როგორ წარმოსდგა დედამიწაზედ თავდაპირველად სიცოცხლე და 2) როგორ ხდებოდა ის ცვლილება, რომელსაც, აშკარაა, განიცდიდნენ მცენარეებიც და ცხოველებიც დღიდან მათი დაბადებისა.

პირველ კითხვაზე მეცნიერება დღესაც ვერ იძლევა ხეირიან პასუხს.*) უნდა მივიღოთ, რომ ოდესღაც დედამიწაზე ყოფილა ისეთი ხანა, როცა შესაძლებელ ქმნილა უუმარტივესი ცოცხალი არსების ან არსებათა თვითწარმოშობა.

ამიტომ ჩვენც გვერდი აუაროთ ამ კითხვას და ნუ გამოუდგებით მის ძიებას.

გამოვარკვიოთ მხოლოდ რა ნაირ პასუხს იძლევა დღეს მეცნიერება ზემოდ დასახელებულ მეორე კითხვაზე.

უწინარეს ყოველისა ვიკითხოთ ამისათვის: ყოველი ახლად წარმომდგარი სახე ანუ ფორმა ცოცხალი არსებისა იბადებოდა დამოუკიდებლივ წინად ყოფილ არსებებთან თუ ყოფილ მცენარეთა და ცხოველთა თანდათან შეცვლითა და განვითარებით ანუ **ევოლიუციით** ხდებოდა.

წარსული საუკუნის პირველ ნახევარში ჯერ ისევ ის აზრი იყო გამე-

*) ზოგიერთ შესანიშნავ ცდებს, რომელიც ამ კითხვის გამოკვლევაში მოუხდენიათ კვინკეს (Quincke), ბიუჰლის (Bütschli), რუმბლერს (Rumbler) და კიდევ სხვებს, ცალკე წერილის საგნად გავხდით.

ფებული ამ მხრივ, რომელიც შევადგო მეცნიერს კარლ ლინეის *„გამოცემა“* პირველად, რომ ვითომ „დღესაც იმდენივე გვარ-ტომის ცოცხალი ორგანიზმონი ითვლებიან ბუნებაში, რამდენიც წინად შეუქმნია ერთ რომელიღაც ჩვენთვის მიუწოდებელსა და განუსაზრელს არსებას“ (tot numeramus species, quot ab inito creavit infinitum ens). ამ აზრის მომხრე იყო თვით გამოჩენილი ავტორიტეტი მეცნიერი ჟორჟ კიუვეცი.

აზრი იგი, რომლის თანახმად ყოველი გვარი მცენარე ანუ ცხოველი უცვლელად უნდა რჩებოდეს, მეცნიერებამ სრულებით უარ ჰყო მას აქეთ, რაც 1859 წელს ჩარლზ რობერტ ლარვინმა გამოაქვეყნა თავისი შესანიშნავი შრომა: „ცოცხალ ორგანიზმთა გვარ-ტომებათ დაყოფა გამოიწვევა შერჩევით ანუ სელექციით, რომელიც ჩვეულებრივ ხდება ბუნებაში“ („on the origin of species by means of natural selection“). ამის შემდეგ მეცნიერებამ სამუდამოდ დაიმკვიდრა ის აზრი, რომ ყოველი ახალი სახე ანუ ფორმა მცენარისა გინა ცხოველისა შედგება წინად ყოფილ ორგანიზმოს განვითარებისა.

საკითხი მარტო იმაში მდგომარეობს დღეს, თუ რა გზით, რა ნაირად ხდებოდა ეს აუცილებელი ევოლიუცია.

თუმცა ის აზრი, რომ ბუნებაში თანდათან შეცვლა-განვითარება ანუ ევოლიუცია ხდება ერთხელ ოდესღაც დაბადებულ არსებისა ან არსებათა და მხოლოდ ამგვარი **ევოლიუციით** აიხსნება მთელი ის სხვადასხვაობა რასაც მცენარეთა და ცხოველთა სამეფოებში ვხედავთ, წარსულ საუკუნის პირველსავე ნახევარში იყო გამოთქმული ლა-



მარკისაგან და ჟოფრუა სენტ-ილერი-საგან, მაგრამ დასაბუთება და საბოლოოდ დამტკიცება ამ აზრს მხოლოდ დარვინისა და უოლისის (A. R. Wallace) გამოკვლევებმა მიანიჭეს.

ენახოთ რაში მდგომარეობენ ეს საბუთები.

რასაკვირველია, ისეთი ცხადი და პირდაპირი საბუთის მოყვანა რომ ჩვენ თვალ-წინ ხდებოდეს ეს ევოლიუცია შეუძლებელია. შეუძლებელია რომ კაცმა თავისი საკუთარი თვალთ დაინახოს როგორ წარმოსდგება ერთი გვარ-ტომის ცხოველიდან ან მცენარეიდან მეორე გვარის ცხოველი ან მცენარე, რადგან სულ უუმცირესი ცვლილების გამოწვევა, რომელიც კი თვალსაჩინოდ ვასცდება რომელიმე ცხოველის ან მცენარის შთამომავლობათა აწინდელ თვისებებს, ისეთ დიდ დროსა თხოულობს, რამდენიც გამოკვლევებს როგორადაც მომაკვდავს ხელთ თავის დღეში არ ექნება. ხოლო ისეთი საბუთები კი, რომლებიდანაც ეს ევოლიუცია უსათუოდ უნდა დაისკვნას, ბლომად შეგვიძლიან სამაგიეროდ მოვიყვანოთ. შეიძლება ვსთქვათ რომ ყოველი, რაც-კი რამ იცის დღეს მეცნიერებამ შესახებ ორგანიზმთა წარსულისა და აწმყოსი, სულ ამ ხსენებულ ევოლიუციას ამტკიცებს. ბუნებითი მეცნიერების გამოკვლეულ და ჭეშმარიტებათ მიღებულ ცოდნათა შორის ბევრია ისეთი, რაც თავისი სიმარტივითა და სინამდვილით პირდაპირ საბუთებთან სჭრის. მოვიყვანოთ მხოლოდ ზოგიერთს მათგანს შიგრიცხვით.

ჯერ უწინარესად ყოველისა უნდა ვადვიაროთ რომ ორგანიზმონი თა-

ვიანთ განვითარებაში იცვლებიან, შეცვლილები ზოგჯერ მაგალითად სრულიად არ გვანან თავიანთ მშობლებს.

ეს ცვლილებანი, ხან ერთბაშად დიდი ზომისად მომხდარნი, თაობიდან თაობაზე გადადიან, ინახებიან; ხან ერთიერთმანეთს წაემატებიან კიდევაც ისე რომ ზოგჯერ თვისებები სხვადასხვა დროის წინაპართაგან შექმნილნი ერთ რომელსამე მათ შემდეგ შთამომავლობაში იკრიფებიან ერთად და ამ უკანასკნელი თაობის ხან ყოველი, ხან მარტო ერთი წარმომადგენელის აგებულების თვისებათ შეიქმნებიან ხოლმე.

მიუხედავად ამ განსხვავებისა მშობელთა და შობილთა შორის როცა მთელ ორგანიულ სამეფოს წარმომადგენლებს ცხოველებშიაც და მცენარეებშიაც ერთად ან ნაწილ-ნაწილ ვაკვირდებით ვხედავთ, რომ ყველანი ერთ გეგმაზე, ერთ პლანზე არიან აგებულინი.

ამ მთლიანობას აშკარად ამტკიცებენ ეგრედწოდებული რუდიმენტები*), რომელთაც ვხედავთ ერთ რიგ ორგანიზმებში და რომელნიც მასთანვე ყოველ ექვს გარეშეა რომ ეპირდაპირებიან სხვა ცხოველების სხეულში მყოფ განვითარებულ და დიდად საჭირო ორგანოებს.

რუდიმენტებს ეკუთვნიან ვეშაპის უკანა ფეხებისა და თედოს ძვლები. წინა ფეხები აქვს ვეშაპს და ხმა-

*) რუდიმენტი ჰქვიან ისეთ ორგანოს, რომელიც არ განვითარებულა ბოლომდე და არავითარ საქმეს არ ასრულებს სხეულში, ხოლო აშკარა კია რომ იგი ეპირდაპირება ზრდადამთავრებულ და მომქმედ ორგანოს სხვა ცხოველებში.



რობს ცურვაში, უკანა ფეხები კი სრულებით არ გაზრდია, არ უჩანს გარედან, ხოლო როცა ჩონჩხს გავუშინჯავთ, ვატყობთ რომ უკანა ფეხების და თეძოს ძვლებიც აქვს ვეშაპს, მაგრამ ზრდა-დაუმთავრებელნი დარჩენილან.

რუდიმენტია აგრედვე ადამიანის თვალში მეტი ხორცი ცხვირის მხარეს შიგნიდან, რომელიც ფრინველების მესამე დამთავრებულსა და მომქმედ ქუთუთოს ეპირდაპირება.

ადამიანის სხეულში ვიდერსგეიმი ასამდე ორგანოსა სთვლის, რომელთაგან რიგისა სრულიად მოსპობილან, რიგისა გაუქმებისა და მოსპობის გზაზედა დგანან. ასეთი ორგანოები არიან: მე-11-ტე და მე-12-ტე წყვილი ნეკენები; უკვე მოსპობილი მე-13-ტე წყვილი ნეკენი; საექვაკი კბილები „სიბრძნის“ კბილებად წოდებული; ბრმა ნაწლევის ტოტი; კუდის რიკი, რომელიც ერთი გოჯის ტოლად დაჰყვება ხოლმე იშვიათად ზოგ ადამიანს, და სხვ.*)

რუდიმენტის ხასიათისანი არიან აგრედვე ის ორგანოები, რომელნიც სხვადასხვა ორგანიზმებს ეზრდებათ პატარაობაში და დიდობაში კი ეკარგებათ. ასეთ ორგანოებს ეკუთვნიან ეგრედწოდებულ ულვაშებიან ვეშაპის ნამდვილი ძვლის კბილები, რომელნიც ვეშაპს ამოსდის მრავლად (50-მდე) სანამ მუცლიდან დაიბადება და მერე დიდობაში კი სრულებით აღარა აქვს და მათ მაგიერ პირში ჩამომვირავს კა-

კნატელები ეგრედწოდებული „კითოვნი ტის ძვლები“ (Китовый усь).

დიდობაში 4 კბილი კაკნატელისაგან შემდგარი აქვს რძითმკვებაც ცხოველს უკოხოებს, რომელსაც პატარაობაში სანამ დედის მუცლიდან იშობება ნამდვილი ძვლის კბილები ამოსდის და მერე კაკნატელებზე შეეცვლება ხოლმე.


რუდიმენტებს წარმოადგენენ აგრედვე ლაყუჩების მშვილდოები ხერხემალიან ცხოველებში — მცურავებში, ფრინველებში, რძითმკვებებში და ადამიანის სხეულში.

არცერთ ამ ცხოველთაგანს დიდობაში ლაყუჩები არა აქვთ (როგორც თევზებსა და ქვეწარმავლებს) ხოლო ერთხანად კი, როცა ჯერ ისევ ზრდაში არიან დედის მუცელში, ლაყუჩების მშვილდოები თავის შესავალ-გასავალი კარებით ამათაც გამოესახებათ ხოლმე.

ყველა ზემოთ ჩამოთვლილი რუდიმენტალური ორგანოების არსებობა მარტო იმით შეიძლება ავხსნათ, რომ ოდესმე ამ რუდიმენტების აწმქონე ცხოველების წინაპრებსაც ეს ორგანოები სრულიად განვითარებული ჰქონიათ და უხმარიათ; ეხლა კი მათ ევოლიუციის მიზეზით აღარავითარი დანიშნულება აღარა აქვთ და მხოლოდ ამ რუდიმენტების მქონე ცხოველების შორეულ ნათესაობას ამტკიცებენ იმ ცხოველებთან, რომელთაც ორგანოები იგი დღეს ეზრდებათ და ხმარობენ.

ერთი სათავიდან გამომდინარეობა ყველა ორგანიზმებისა და შემდეგ ევოლიუციით მათი განვითარება-განსხვავება მტკიცდება აგრედვე იმ შეთვისებითა და შეშენევით, რომელ-

*) მე ჩემი თვალთ მინახავს ესეთი პატარა კუდი, რომელიც დაყოლილი აქვს ერთს ჩემს ნაცნობს, დღეს 48—49 წლის კაცს, მამას ბევრი შვილებისას.



საც ცხოველებიც და მცენარენიც იჩენენ როცა ახალ პირობა-გარემოებებში ჩადგებიან ხოლმე. ცხრველების ერთად ბინადრობა, პარაზიტობა, სიმბიოზი, ყვავილიან მცენარეების ცხოველებთან დაკავშირება ნაყოფის ჩასახვის დროს და სხვა—სულ ამ ზემოხსენებულ ევოლიუციით შეიძლება იყოს მხოლოდ ახსნილი.

ერთად ერთი კარი მცენარეთა და ცხოველთა სამეფოში შესახედი ამ სამეფოთა წარსულისა და აწმყოს გასა-

გებათ ეს ზემოხსენებული ევოლიუციის თეორია არის, რომლის მამამთავარ დამფუძნებელად დიდად სახელოვანი ინგლისელი მეცნიერი ჩარლზ რობერტ დარვინი ითვლება და რომელიც კ. ტომირიაშევმა მეცნიერის „იდეალად“ აღვიარა და სწავლა მისი „გენიალურ“ გამოკვლევად. (იხ. მისი „Оправдгнуть-ли дарвинизмъ?“). რაში მდგომარეობს დარვინის თეორია ამას შემდეგ ნომერში მოვიყვანთ.

გ. რცხილაძე

ჭარხალი როგორც საკვებავი მცენარე საქონლისა და ღვრებისათვის

ჩვენ მხარეს, დიდი ლიახვის ხეობაში, სადაც ქართველები სახლობენ, მიწის სიმცირობისა გამო, სათიბი ადგილები სრულიად არ მოიპოვება. საანეულო მიწებში და ვენახებში მოთიბული თივა სამუშაო და მეწველ საქონლისთვის სანუკვარ საქმლად ითვლება. მიწის სივიწროვისაგამო არც მრავალრიცხოვანი საქონელი ჰყავს ვისმე. ძალიან გაკეთებულ ოჯახიშვილს ოთხულელა ხარ-კამეჩზე და ორ ძროხაზე მეტი არ მოეპოვება. ამისთანა ოჯახიშვილს ორი ან სამი საძნე ურემი თივა რომ მოუგროვდეს დიდი ღვთის წყალობა იქნება მისთვის. უმთავრეს საქონლის საკვებავეს სიმინდის ჩალა და ბზე შეადგენს. ხარ-კამეჩის მოყვარული მეურნე სთესავს ორიოდ დღის უგრეხელსა და შემოდგომითვე უფქვავს უგრეხელ გადირეულს ორწილ სიმინდში რომსა. ეს სამუშაო საქონლისათვის არის და სადამოობით თითოს თითო ჯამს დამბალ რომს მოუყრის ბზეზე მოცადობას და მეწველ ფურებს რო-

შის სუნიც არ მიედინებათ. მოცადობა მარტო ჩალაზე და ბზეზე დგანან; ამიტომ მეწველი ფურები ძალიან ილახებიან და თითქმის ურებიან, წველა აღარა აქვთ, წველის დაკარგვა კი დიდი დანაკლისია ოჯახისათვის. სხვა კვების საშუალება კი არაფერი აქვთ.

დიდ სიმშილს იტანენ აგრეთვე ღორები, რომლებიც სანეხვლებზე იკვებებიან. ზამთრის პირში დაყრილი გოჭები სიმშილით ებოცებათ, ან არა და მზრუნველი პატრონი ორს ან სამს გოქს შეარჩენს დედას და დანარჩენს გადაპყრის დაყრის უმაღვე, და როგორც იქნება ამ ორ გოქიანს ღორს სიმინდის ფქვილით გამოჰკვებავს. სხვა ღორებიც რომ სულ სიმინდით გაჰკვებოს, ოთხი თავის საფასურს შესჯამს ღორი მთელ ზამთარში და თვით ღორი კი ამათ არ ეღირება; ღორის გამრავლება კი ძალიან სარგებლიანი საქმეა.


იმ ადგილებში სადაც მუხისა და წიფლის ტყეებია, ღორის მოშენებას ბე-

ჯითად მისდევნენ და სანამ დიდ თოვლს ჩამოჰყრიდეს, ტყეში დაუდით რკოზე და წიფელზე, როგორც ეს ზემო ქართლშია. თუ დიდი თოვლი მოვიდა და ღორმა ვეღარ იმუშავა თოვლში და საკვები რკო ვერ იპოვა, მაშინ დაღონებული პატრონი იძულებულია ჩქარა გაჰყიდოს ღორები, ან არა და სიმინდი უშოვოს სადმე რაც მელორისთვის დიდი საზარალოა. რათა სოფლის მეურნეს გაუადვილდეს საკვების მომზადება და არც მუშა საქონელს დასჭირდეს როში, არც მეწველი ფურები გაუზრეს და არც ღორები ამოუწყდეს სიმშლით, ვურჩევ იმასვე, რაც მე მირჩიეს კავკასიის სამეურნეო საზოგადოებაში ამ რვა წლის წინად, რა მას აქეთია ისე ვკვებავ საქონელს და ღორებს და დიდი მადლობელიცა ვარ ამ საზოგადოებაში მყოფ ეგნატე ო. იოსელიანისა, რომელმაც მირჩია საკვებად ქარხლის თესვა, რომელიც ჩინებული საკვებადი გამოდგა და როშის მაგიერობა დაიჭირა.

რჩევის შემდეგ მეთესლე კვესთან ვიციდე ორი გირვანქა ქარხლის თესლი გირვანქა შნ კაპიკად. მე დიდი ხანია მებოსტნობას მივსდევ და ამ ბოსტნის ბაზოებზე და არხებზე თითო ოროლა თესლსა ვფლავ ნახევარ არშინის სიშორეზე ერთი მეორისაგან. თბილ და ტენიან მიწაში ოთხ-ხუთ დღეზე ქარხლის თესლი ღივდება. თითო ჩათესილ ალაგს რამდონიმე ღერი ქარხალი იზრდება. პირველ გათხნის შემდეგ, ქარხალი მალე ძირს მოიმეგრებს და ამ დროს რაკი ქარხალი ხელ მოსაკიდი შეიქნება, ამოვმარგლი ხოლმე და მარტო ერთ ძირზე დავაყენებ. დაგლეჯილ ქარხლებს მომცდარ ადგილში ჩაუმატებ ან

და სხვა თავისუფალ ადგილზე დაგლეჯილ ვამ. ბაზოები როგორც ნახურგი კარგ ფხვიერ მიწისაგან არის გაკეთებული, ამნაირ მიწაში სწრაფათ იზრდება ქარხალი, მიწის ზევიდან ბარე ათ-თორმეტ ვერშოკის სიგრძე იზრდება ხოლმე.

კამეჩის რქასავით გაღივრიხება და წონით თვითეული ქარხალი 20—30 გირვანქა ამოდის, იშვიათი არ არის ფუთიანიცა. ამ რიგად შემოდგომისთვის დიდ ძალი ქარხალი გვაქვსთ ამოსაღები. მთელი ზაფხულის განმავლობაში კი ქარხლის ნაზი ფოთლები გამოულეველი გაქვთ ხბოების, ზაქების, გოჭების და შინაური ფრინველის გამოსაკვებათ. ქარხლის ფოთლებიდან გემრიელი მხალიც კეთდება ნიგვზითა და კარგ მხლოვანებაც აცხობენ ჩვენში მუშის საკმელად. იმ პირველად დათესილ ორი გირვანქა თესლიდან მომივიდა შვიდასი (700) ფუთი ქარხალი. ეს ქარხალი 700 ფუთი ქარხალი. ეს ქარხალი შევინახე მიწაში გათხრილ გომურში, წყობისათ დაწყობილი და თან მიწა გადაყრილი ყოველ რიგზე და შემოდგომიდანვე დავუწყე საქონელს, ღორებს და შინაურ ფრინველს კვება დაკვილი უმი ქარხლითა. (უფრო კარგია მოხარშული), ჩემდა გასაკვირვლად ფურებმა წველა მოიმატეს იმ ზამთარში, მუშა საქონელი გასუქდა და სასუქი ღორებიც ქარხლით გავასუქე, რომელთაც ძლიერ ტკბილი ხორცი გამოჰყვათ. თითო სულს საქონელს ვაძლევ ჯერზე ათ-თხუთმეტს გირვანქას ანუ ერთ შუათანა ქარხალსა, დაკვილს გადვურევ ხოლმე ბზეში. შინაური ფრინველებიც სიამოვნებით სწიწკნიან მთელად დაყრილ ქარხალს და მარცვალი ნაკლები უნდებათ. აი მას უკან მუდამ



წელს ვთესავ ჭარხალს და დიდ შეღავათს მიძლევს სხვილ და წვრილფეხ საქონლის კვებაში. ვურჩევ სხვებსაც თესონ ჭარხალი, რომლის თესლსაც იშოვიან ხსენებულ სამეურნეო საზოგადოებაში. შარშან გირვანქა 45 კაპიკათ მომყიდეს ჭარხლის თესლი და ხუთი გირვანქიდან მივიღე ოცი ურემი ჭარხალი.

ვისაც ბოსტნები არა აქვთ იმისი ვურჩევ შემოდგომით მოხნან საქარხლეთ დანიშნული მიწა, გაზაფხულზე აოშონ, მერე დაჰკვადონ ანუ დაბარონ ისე, როგორც კომბოსტოს დასარგველად ამზადებენ შარებს, და მერე ხელით ჩათესონ თესლი როგორც ზევით მითქვამს.

ალექსანდრე მაჩაბელი

იაფი სესხის საჭიროება სოფლად

(შემდეგი*)

გრძელ ვადიან სესხის გარდა ამხანაგობას შეუძლიან ვექსილები გამოიტანოს სახელმწიფო ბანკიდან სესხად ფული 300 თუმანამდე. ამ ფულს სახელმწიფო ბანკი აძლევს მხოლოდ 9 თვით და ამიტომ ამ სესხს ჰქვიან მოკლე ვადიანი სესხი. ამ სესხით ამხანაგობას შეუძლიან ისარგებლოს მაშინ, როცა კი დასჭირდება. საჭიროების დროს რამდენიც უნდა, იმდენს გამოიტანს 9 თვით ან ნაკლები ვადით. ვადაზე ამხანაგობა უბრუნებს სახელმწიფო ბანკს ფულს სრულათ. თუ ვინცობაა შემდეგ კიდევ დასჭირდა ამხანაგობას ფული, შეუძლიან ხელმეორეთ გამოიტანოს. ეს სესხი, ანუ უკეთ რომ ვსთქვათ კრედიტი შეიძლება 300 თუმანზე მეტიც იყოს. ეს დამოკიდებულია იმაზე, თუ როგორ მიდის ამხანაგობის საქმეები; თუ ამხანაგობას კარგათ მიჰყავს საქმეები, სახელმწიფო ბანკი უფრო მეტ კრედიტს მისცემს მოკლე ვადიანს. მოკლე ვადიან სესხში ამხანაგობა იხდის 5⁰/₁₀ ანუ თუმანში თვეში 5¹/₆ კაპ.

გრძელ და მოკლე ვადიან სესხის გარდა ამხანაგობას შეუძლიან ისესხოს ფული აგრედვე გარეშე პირებისაგან და დაწესებულებებისაგან. ამხანაგობას შეუძლიან ასეთი სესხი აიღოს განსაკუთრებულ მიზნისთვის: სასოფლო-სამეურნეო იარაღების საწყობის და წვრილმით სავაჭროს გასახსნელად, საშუამავლო თანხის დასაარსებლად და სხვ. ამ სესხის პირობები უნდა შეიმუშავოს ამხანაგობამ და დასამტკიცებლად წარუდგინოს წვრილი კრედიტის საგუბერნიო კომიტეტს.

ამხანაგობა თავის საწარმოვო საშუალებათა გასაფართოებლად წვერებისა და გარეშეებისგან იბარებს შესანახად ფულს. ამ ფულსაც ამხანაგობა სხვა თანხებთან ერთად ასარგებლებს...

მოკლე ვადიანი სესხი და აგრედვე კერძოთ აღებული სესხი და შესანახად აბარებული ფული, როგორც ზევითაც ვსთქვი, უნდა იყოს მხოლოდ ათჯერ მეტი ამხანაგობის ძირითად თანხაზე.

* იხილეთ „მონაგალი“ № 3.



6. საკრედიტო ამხანაგობის უფლებანილოება.

ამხანაგობაში 20-ზე ნაკლები წევრი არ უნდა იყოს, წინააღმდეგ შემთხვევაში იგი დაიხურება. წევრთა რიცხვი რაც ბევრი იქნება, იმდენი კარგია, რადგანაც მაშინ ფულის მსესხებელი ბევრი იქნება და მაშასადამე შემოსავალიც მეტი ექნება. ამხანაგობაში წესდებით მიიღებიან ორივე სქესის სრულ წლოვანნი, რომლებსაც რაიმე ქონება აქვთ, საკუთრივ აწარმოებენ მეურნეობას ან რამე ხელობას მისდევენ და სცხოვრობენ ამხანაგობის მოქმედების რაიონში. საკრედიტო ამხანაგობაში წევრებათ მიიღებიან როგორც მდიდრები, ისე ღარიბები; უპირატესობა იმას ეძლევა, რომელიც უფრო სვინდისიერი, ფხიზელი და შრომის მოყვარეა.

წევრი ამხანაგობაში შესვლისთანავე სდებს ხელწერილს მასზე, რომ ჰკისრულობს პასუხის მგებლობას ამხანაგობის საქმეებში. ეს პასუხის მგებლობა ორ გვარია: განსაზღვრული და განუსაზღვრელი. პირველი მდგომარეობს იმაში, რომ წევრი ამხანაგობისა ზარალის დროს პასუხს აგებს თავისი კრედიტის ორკეც ან სამკეც ზომას. მაგალითად თუ წევრს ამხანაგობამ კრედიტი გაუხსნა 40 მანეთისა, იგი პასუხს აგებს 80 ან 120 მანეთით. მეორე გვარი პასუხის მგებლობით კი წევრი მთელი თავისი ქონებით აგებს პასუხს. ამხანაგობის გახსნის დროს მომეტებულ ნაწილად პასუხისმგებლობას განუსაზღვრელს აწესებენ, რადგანაც მაშინ გა-

რეშე პირებში და ფულის შემტანებში ამხანაგობა მეტს ნდობას პოულობს. ასეთი პასუხისმგებლობა თვით წევრებისთვისაც კარგია, რადგანაც ისინი უფრო ფხიზელად ექცევიან ამხანაგობას და ერთგულად აწარმოებენ ამხანაგობის საქმეებს.

სახლის უმფროს შეუძლიან მიანდოს ამხანაგობაში შესვლა რომელიმე თავისი ოჯახის წევრს, მაგრამ ხელწერილი კი პირველმა უნდა დასდოს პასუხისმგებლობაზე.

ამხანაგობაში არ მიიღებიან წევრად უზნეო, ლოთებთოის მოყვარულნი და ზარმაცებს, ამათ გარდა წესდებით არ შეუძლიანთ ამხანაგობაში შესვლა იმათ, ვინც უკვე ითვლებიან წევრად სხვა წვრილი კრედიტის ამხანაგობაში ან საურთიერთო ნდობის საზოგადოებაში და აგრედვე ისინი, ვინც ერთხელ იყვნენ ამხანაგობიდან გამორიცხულნი. წევრობიდან გამორიცხულის უკან მიღება ახლად მხოლოდ ორი წლის შემდეგ შეიძლება.

7. შინ აწარმოებს საკრედიტო ამხანაგობის საქმეებს.

ამხანაგობის ბატონ-პატრონი არის წევრთა საერთო კრება. ამხანაგობის საქმეების საწარმოებლად საერთო კრება ირჩევს 3—4 წევრს. ესენი შეადგენენ ამხანაგობის გამგეობას. გამგეობაში უეჭველად უნდა იყვნენ ამორჩეულნი პატიოსანნი პირნი, რადგანაც ხშირად გამგეობაზე არის დამოკიდებული ამხანაგობის სეფ-ბედი. კარგი იქნება თუ



გამგეობაში მოჰყვებიან ნდობა დამსახურებულნი ინტელიგენტნი.

გამგეობა აწარმოებს ამხანაგობის ყოველსავე საქმეს: აძლევს და იღებს უკან სესხს, იღებს შესანახად ფულს, საჭიროების დროს სახელმწიფო ბანკიდან გამოაქვს ფული, ასრულებს ამხანაგობის მიერ დავალებულს საშუამავლო საქმეს და სხ. ყველა ამის შესასრულებლად სვინილისის გარდა საჭიროა ცოდნაც, ამიტომ გამგეობამ უნდა თვალყური ადევნოს ჟურნალ-გაზეთობას, სადაც ხშირად იბეჭდება სხვა სოფლების საკრედიტო ამხანაგობების მოქმედება და იმათ კვალობაზე მოაწყოს ამხანაგობის საქმეები. ამას გარდა უნდა შეიძინოს და იკითხოს წვრილი კრედიტის ამხანაგობების შესახებ დაწერილი წიგნები, რომლების კითხვა მეტად გაუადვილებს საქმეების წარმოებას. ერთ-ერთი გამგეობის წევრი უნდა იყოს ანგარიშის მკოდნე, რომელმაც უნდა აწარმოვოს ამხანაგობის საანგარიშო წიგნები.

ეს ანგარიში დიდს ცოდნას არ მოითხოვს, მხოლოდ საჭიროა დაკვირვება და გულით მოკიდება. თუ ვინცობაა ამხანაგობაში არ მოიპოვება ისეთი წევრი, რომელსაც შეეძლოს ანგარიშის წარმოება, ამხანაგობამ უნდა დაიქირაოს გარეშე ვინმე.

რომ გამგეობამ სვინილისიერად აწარმოვოს ამხანაგობის საქმეები, მიუდგომელად გასცეს სესხი, უსაბუთოთ არ უახრას უარი წევრს სესხის მიცემაში და სხ., ამხანაგობა ირჩევს კიდევ 4—5 კაცს მონაგარიშებათ. ესენი შეადგენენ ამხანაგობის **მეთვალყურე საბჭოს**. როგორც თვით სახელწოდება გვიჩვენებს,

მეთვალყურე საბჭო ადევნებს გამგეობის მოქმედებას თვალყურს, ძალმალე უწევს ანგარიშს და, თუ რაიმე სიბრუნდე შეატყო გამგეობას, მაშინათვე იწვევს საერთო კრებას, რომელსაც უდგენს თავის მოხსენებას.

გამგეობა ყოველ თვის ბოლოს ადგენს ანგარიშს, რომელსაც მეთვალყურე საბჭო ამოწმებს და უგზავნის სახელმწიფო ბანკს. ეს უკანასკნელი ფიზიკლად ადევნებს თვალყურს წვრილი კრედიტის ამხანაგობებს საგანგებოდ დანიშნული წვრილი კრედიტის ინსპექტორის საშუალებით. ინსპექტორი მოვალეა თვალყურის დევნის გარდა ასწავლოს გამგეობას ამხანაგობის საქმეების უკეთ წაყვანა, ანგარიშის წარმოება და სხვა.

მეთვალყურე საბჭოს, თუ რასაკვირველია საჭირო იქნება, შეაქვს ამხანაგობაში წინადადება წესდების შესწორება-დამატების შესახებ, აღძრამს შუამდგომლობას ამხანაგობის მოქმედების გასათართოებლათ, შუამავლობის შემოღების შესახებ, ამხანაგობასთან სასოფლო-სამეურნეო იარაღების საწყობის გახსნის შესახებ და სხვა.

ამას გარდა მეთვალყურე საბჭო არჩევს წევრების საჩივარს გამგეობის მოქმედებაზე, როდესაც უკანასკნელი დაარღვევს წესდებას; იგი აძლევს დარიგებას და შენიშვნას, რომ შემდეგში აღარ გაიმეოროს შეცდომა. ცხადია, ყველა ამის შესასრულებლათ საჭიროა მეთვალყურე საბჭოს წევრნი იყვნენ წერაკითხვაში დახელოვნებულნი, მაგრამ არა ნაკლები მნიშვნელობა აქვს მათ ზნეობასაც და რადგანაც ჩვენდა საბედნიეროთ ქართველ გლეხებში ბლო-



მად მოიპოვებიან კეთილ ზნეობიანი პირნი, ამიტომ გამგეობისთვის და საბუკოსთვის წევრნი ძნელი საშოვარნი არ არიან. საჭიროა მხოლოდ ერთი ორი თავდადებული ინტელიგენტი ერიოს მათში. ამ უკანასკნელების მეცადინეობით პირველნი მალე დახელოვნდებიან წერა-კითხვასა და ანგარისში და მალეც გამოიციდებიან ამხანაგობის საქმეების წარმოებაში. თუ ჩვენ ხელს ავიღებთ სოფლად საკრედიტო ამხანაგობების გახსნაზე იმ მოსაზრებით, რომ სოფლად არ მოიპო-

ვებიან გლეხებში საკმარისათ ღირსეულნი, ჩვენ თავის დღეში არ გვეღირსება სოფლად არავითარი კულტურული დაწესებულება, რადგანაც ხალხი მუდამ მოუმზადებელი იქნება. საჭიროა დავხსნათ სოფლად წვრილი კრედიტის ამხანაგობები და სხვა გვარი კოოპერატივები, რომლებიც გლეხების ნივთიერ მდგომარეობის გაუმჯობესობასთან ერთად ხალხში სწავლავანათლებასაც შეიტანენ.

ს. კახელიძე

(დასასრული იქნება)

განცხადებანი

სამეურნეო ჟურნალი

„მოსავალი“

წელიწადი მესამე

წელიწადი მესამე

მიიღება ხელის-მოწერა 1911 წლისათვის.

ჟურნალი გამოდის იმავე პრიცინით. ღირს წლურად 3 მანეთი.

იუიღება აგრედვე 1909 წლის „მოსავლის“ ნომრები უდაკასმული 2 მან. და 1910 წლის უეღო 3 მან.

მოსავლის რედაქციის იუიღება შემდეგი პარტული წიგნები:

- ვ. ი. რცხილაძე კრებული არითმეტიკული ამოცანებისა (მეორე ნაწილი) 50 კ.
- იმიისივე (თარგმანი) ქიმიკ პრ. როსკოსი (მეორე გამოცემა) 30 კ.
- იმიისივე საზოგადოებრივი ცხოვრების წარსულიდგან და შვეიცარიის ძირითადი კანონები ფასი. 25 კ.



რედაქც.-გამომცემელი ვ. ი. რცხილაძე